



Broj: 01-02.2-2510-6/22
Datum: 16.05.2023.godine

Na osnovu člana 69. Zakona o javnim nabavkama (Službeni glasnik BiH br. 39/14 i 59/22) i Pravilnika o javnim nabavkama JP Ceste Federacije BiH d.o.o. Sarajevo (Ugovorni organ), i u skladu sa preporukom Komisije za nabavke Uprava d o n o s i:

ODLUKU
o poništavanju postupka javne nabavke

Poništava se pregovarački postupak bez objave obavještenja za javne nabavke usluga Održavanja opreme tunela Karaula, cesta M18, pokrenutog dana 24.05.2022. godine.

Obrazloženje

U skladu sa članom 18. Zakona o javnim nabavkama („Službeni glasnik BiH“, br. 39/14 i 59/22) JPCFBiH (Ugovorni organ) je pokrenuo pregovarački postupak bez objave obavještenja za javnu nabavku usluga održavanja opreme tunela Karaula, cesta M18, koji je objavljen na portalu JP Ceste FBiH d.o.o. Sarajevo dana 22.07.2022.godine.

Do utvrđenog roka za predmetnu nabavku zaprimljene su 2 ponude.

Cijeneći navedeno činjenično stanje, Komisija za nabavke je konstatovala da postoje uslovi za poništavanje postupka nabavke iz člana 69. stav (3), ZJN-a, te predložila donošenje Odluke o poništavanju postupka nabavke, iz dokazivih razloga van kontrole ugovornog organa.

Nakon donošenja odluke o poništenju postupka nabavke uložena je žalba od ponuđača ELCOM d.o.o.Tuzla, koja je usvojena kao osnovana i rješenjem URŽ BiH poništena je odluka o poništenju postupka nabavke.

Komisija je ponovo razmotrila dostavljene ponude i izvršila detaljnu procjenu dostavljenih ponuda kao i tendersku dokumentaciju. Na osnovu dostavljenog obavještenja od strane ponuđača BS TELECOM SOLUTIONS od 16.06.2020.godine, kojim je BS Telecom potvrdio da je isključivi i jedini vlasnik licence za održavanje **softverskog dijela sistema**, pod nazivom BS Husky sistema za daljinsko upravljanje i nadzor autocesta i cesta, a koje je izveo po osnovu ugovora o izvođenju elektro radova na projektu tunel Karaula, stekli su se uslovi za primjenu instituta zaštite ekskluzivnih prava dobavljača. Takođe je navedeno da je jedini i isključivi proizvođač softverskog dijela sistema BS Husky.

Kao vlasnik licence BS Husky kod naknadne analize ponuda na osnovu žalbe tražena su pojašnjenja ponuđača. Također je zatraženo pojašnjenje od Instituta za intelektualno vlasništvo Bosne i Hercegovine u vezi prava na žig.

Nakon dostavljenih pojašnjenja konstatovano je da je neophodno poništiti postupak nabavke, kako bi se upisale detaljnije tehničke specifikacije.

Naime, priprema tenderske dokumentacije se radila na bazi saznanja da se radi o nabavci usluga za koje ekskluzivno pravo na osnovu posjedovanja licence ima ponuđač koji je izvršio ugradnju opreme i instaliranje softvera.

Ponuđač koji nema pristup softveru, nema licencu za softver koji je instaliran za praćenje rada opreme instalirane u tunelu krši zaštićena autorska prava. Provođenjem postupka nabavke, nakon donošenja odluke o poništenju postupka, ugovorni organ je u postupku po žalbi, nakon što je u više navrata došao do novih činjenica prije svega tvrdnje ponuđača ELCOM d.o.o. Tuzla da može referentno pružiti zahtijevane usluge, da drugi ponuđač, u konkretnom slučaju BS TELECOM SOLUTIONS d.o.o. Sarajevo nije ekskluzivni pružalac ove vrste usluga, kao i stava Ureda za razmatranja žalbi da dokazive razloge van kontrole ugovornog organa treba puno detaljnije

obrazložiti i učiniti na taj način relevantnim, nepobitno utvrdio da je u momentu pokretanja postupka, na bazi istraživanja tržišta i svojih tadašnjih saznanja o referensama ponuđača u ovom tržišnom segmentu zauzeo stav da je opravdana primjena postupka po članu 21. stav c) Zakona o javnim nabavkama. S tim u vezi u prilikom izrade Privremenog plana nabavki za 2022. godine uvrštena su ova dva postupka (Održavanje opreme tunela Žaba i Održavanje opreme tunela Karaula) u postupke za koje je predviđena primjena pregovaračkog postupka bez objave obavještenja u skladu sa članom 21. stav c) ZJN BiH pod stavkama 28 i 28.1. Kada je usvojen Plan nabavki za 2022. godinu postupci su tretirani na isti način, ovaj put pod rednim brojevima 29. i 30. U takvoj situaciji ugovorni organ je prilikom izrade tenderske dokumentacije i primjene postupka bio ograničen navedenim elementima i nije imao saznanja da na tržištu postoje i drugi ponuđači specijalizirani za ovu vrstu usluga (opreza radi ovo su još uvijek samo tvrdnje ponuđača ELCOM d.o.o. Tuzla).

S tim u vezi, u ponovnom postupku Komisija je tendersku dokumentaciju pregledala u odnosu na dostavljene i ponude kao i stavove URŽ u Rješenju od 11.11.2022. godine i predlaže ugovornom organu da donese Odluku o poništavanju postupka javne nabavke, u skladu sa članom 69. Stav (3) ZJN-a iz dokazivih razloga van kontrole ugovornog organa. Dokazivi i dokazani razlog za poništenje postupka jeste novo saznanje u vezi sa istraživanjem tržišta, što zahtijeva eventualnu promjenu vrste postupka i pravnog osnova za pokretanje istog.

Na osnovu ovog prijedloga Komisije, ovlašteni organ ugovornog organa donio je odluku kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.


Direktor
Ljubo Pradić, dipl. ing. građ.

Dostavljeno:

- a/a